

宣言

●中央執行委員會政治會議宣言

我總理孫中山先生致力國民革命凡四十年辛亥而後倒袁護法北伐諸役討賊戡亂輒身爲天下先誠以滿清雖經顛覆會不須與國內軍閥得國外帝國主義之援助益務有以阻止國民革命之進行此種頑強之障礙不除則革命之目的不能敏捷實現然猶慮革命黨人與其當前之強敵爲殊死戰而大多數仍守其不問國事之舊習坐視國家淪爲次殖民地而不爲之所故於十三年一月召集本黨第一次全國代表大會於廣州一方容許中國共產黨黨員以個人資格加入本黨以期集中全國革命份子於三民主義之下共同奮鬥一方提出宣言說明本黨所持革命之主義與其實行主義首先必需之政綱總理並於此時手定建國大綱完成三民主義之講演更於扶病北上之際發表主張開國民會議及廢除不平等條約之宣言而終之以最後之遺囑本黨同志繼承總理全部之遺教奮鬥不懈而所努力者仍爲掃除革命障礙準備三民主義實行故於第二次全國代表大會宣言重行確定第一次大會宣言之主旨對於主義誓以繼續努力以求貫徹對於政綱亦無所修改但期見諸實事蓋吾人深信總理所定之主義及政綱乃爲中國在此環境中唯一之生路亦唯總理所定之主義及政綱乃爲吾人由中國之民族革命政治革命社會革命而達世界革命唯一之途徑也兩年以來本黨仍繼續總理領導國民革命之精神從事於扶助農工民衆團體組織之發達

鞏固廣東之革命根據地肅清一切反革命份子掃除東江南路一切叛徒建立與人民合作之政府完成爲人民而戰之軍隊根本既固又復出師北伐以與大江南北勾結帝國主義之軍閥決鬪而此戰之目的即在完成總理生平奮鬪而不幸未竟之大業換言之即在完成國民革命造成獨立自由之國家以擁護國家及民衆之利益語其實際之設施一曰使黨軍愈與人民密切的相結合二曰造成廉潔之政府三曰提倡保護國內之實業四曰保障農工團體之利益並扶助其發展凡此諸端具爲此次目的與其必要手段之內容今者賴黨軍上下將士之戮力各省被壓迫民衆之同心義師所指無不克捷東南數省軍閥割據之勢力固已破潰即向日軍閥所恃以爲聲援之帝國主義亦已根本動搖矣

不意在本黨繼承總理遺教領導全國民衆及武裝同志北伐進行之際中國共產黨悍然破壞國民革命之陰謀與事實繼續敗露於吾人之前中國共產黨之害本黨固不自今日始而其破壞本黨因而破壞國民革命實以今日之逆謀爲最急十三年之際本黨接受總理容納共產黨黨員個人加入本黨之旨許以信仰三民主義參加本黨之革命工作乃共產黨公然決議其黨員所以加入本黨之用意至於藉本黨以立一強大之共產黨於是吸引我同志傾陷我領袖污衊我總理侮辱本黨革命之歷史破壞本黨領導農工運動之地位遮斷本黨與民衆結合一致之戰線總理當日坦然容許共產份子固不料挾有如此叵測之陰謀本黨追念總理生平仁慈博大之精神始欲許之以自新結之以誠信故約束同志以期潛移默化銷弭糾紛鞏固根本不圖中國共產黨之字典上無誠信二字恣睢跋扈方欲摧排異己推翻本黨武裝革命之同志遂乃煽惑我軍隊調唆我肘腋致有去年三月二十日之變賴蔣中止同志之忠勇黨軍之戮力靖亂有力逆謀平

不得逞而廣州革命策源之地迄今保全於斯時也本黨猶憫其幼稚不忍暴其罪狀其不敢公然背叛本黨之份子仍予任使期望有加待之未爲不厚曾幾何時吳佩孚以帝國主義之援助稱兵南犯迫我湘粵本黨繼承總理討賊誅暴之大任不能不調檄義師共申天討中國共產黨果有認識國民革命聯合戰線之美德宜如何同仇敵愾洗滌前愆乃彼黨領袖與策士及其與本黨貌合之同志衆口鼓惑阻撓出師汨乎我軍規復江漢移師江浙連下贛閩與孫傳芳張宗昌兩大軍閥作最後之決戰同時電令武漢各軍沿隴海京漢路北向並進而中國共產黨分子徐謙鄧演達等受俄人鮑羅庭之指揮多方阻撓使各軍不能依原定計畫出兵我東路與中央軍犯難前進彼輩挾持漢陽兵工廠不發一槍不發一彈且三電廣州兵工廠飭其罷工不特斷我軍械之接濟抑且絕我軍費之供應倒行逆施務欲置國民革命於死他向使中原各軍得依計畫而北進以與東南各軍相策應則肅清津浦路敵軍之日已是會帥直搗幽燕之時今敵兵雖已盡於東南然餘孽猶得負固於河北久爲吾黨三民主義展轉苦戰之師馮玉祥偏於西北樊鍾秀困於河南豫中附義之士勢孤力薄皆待救援而徐謙諸人只知挾一隅之軍權以自謀不發一兵不濟一錢其目的既與國民革命不相同遂不惜故亂其步伐然此種種固非徐謙鄧演達一二人之私行觀其所把持之總政治部援引共產份子充塞部曲三民主義戰士熱血漬染之河山幾盡爲共產黨人掠奪特權之租界其所宣傳爲反對三民主義之宣傳其所訓練爲陰謀操縱變詐挑撥之技術其所工作爲折散國民革命之勢力破壞國民革命之戰線爪牙四播煽揚兇德騷擾荼毒騰爲民怨喪失革命軍之榮譽阻礙北伐之大計武漢如此到處皆然謂非中國共產黨全部反革命之策畧其誰信之不專維是當我軍甫定東南之際中國共產黨竟在武漢集議進

而決定推翻本黨與國民政府之逆謀假提高黨權統一指揮之名行篡竊黨國中樞之實擁甲倒乙迎丙拒丁破壞軍制之系統煽惑本黨武裝之同志侵蝕各地黨部之權柄擾亂農工商學自覺之運動逆謀既定遂有二月以來武漢非法會議之發生亂命四下由來有自議者不察反以此等事變付諸流言欺人者誠巧欺於人者抑何其拙耶本黨曩以中國共產黨份子自附同志願爲國民革命馳驅故竭誠容納而提挈之今者甘心叛逆阻撓北伐謀爲不軌直接破壞國民革命之戰線間接卽爲軍閥與帝國主義之工具不惟自絕於黨國抑且自絕於世界爲本黨自存計爲完成國民革命計固當驅除此叛逆爲由國民革命以達世界革命之前途計亦當掃滅此敗類凡有血氣皆當羣起以攻絕其根株勿使滋蔓否則流毒所播效尤踵起國事不易爲矣

以上所述爲中國共產黨份子寄生於本黨以破壞國民革命之始末本黨於此敢竭誠告於文武將士革命同志及全國國民曰驅除共產份子乃肅清革命陣地以內之反革命勢力繼今以往本黨必益當努力於黨權之集中組織之精密紀律之森嚴信仰之統一凡別有結合別有羽翼之反革命派固當在所必除而操志不定易與同腐之分子亦當嚴加糾正唯國民黨爲領導被壓迫民衆革命之先鋒唯三民主義爲適合於中國之革命主義唯國民黨之主義能使革命趨於民衆化亦唯國民黨之主義能使民衆歸於革命化大任當前義無反顧務於最短期間肅清軍閥打倒帝國主義完成國民革命之大業以促進世界革命謹此宣言

言

(四月十八日)

●國民政府告國民革命軍全體將士文

國民政府此次接受中央政治會議決議定都南京目的在恢復黨權政權於三民主義之下自由行施職權以實現總理之遺訓遺囑

總理在世之日所焦心苦慮者爲如何而可建設自由獨立之中華民國更進而實現世界各民族之平等自由中國內各階級之平等自由因軍閥專恣於內帝國主義凌逼於外日甚且勾結一氣以摧遏三民主義之進行乃不得不先定掃除一切建設障礙之大計毅然以出師北伐爲建國之先着不幸出師未捷憤恨以終遺訓昭昭以此重大之責任付諸手造之中國國民黨付諸平生所倚重之蔣中正同志

總理既逝本黨秉承遺訓出師北伐而以軍事全權托付蔣中正蔣同志忠貞勇敢受命以來轉戰七省遂定江漢四十年來本黨軍事成績之偉大蓋無過於今日者雖然苟無認識主義效命黨國之全體將士則蔣同志亦一手一足之力耳深切言之此種偉大之成績實由以全體武裝同志之一德一心更深切言之實爲主義的成功軍紀的成功

武昌之役南昌之役以及肅清東南諸役吾武裝同志之爲黨國犧牲者不知萬幾天上英雄地下碧血所望爲生者之奮鬥最後之成功故吾儕未死之餘生實負黨國之重託昔程嬰生而公孫杵臼死死者爲其易而生者爲其難國民革命之孤兒今實保抱於武裝生存之同志故吾人對於武裝同志既備具尊敬而又切勉於將來也

自割據黨內之叛徒日蠶月張以來於本黨之組織宣傳於本黨之農工運動一一祛篋以去乃更進而謀奪

取本黨之政權夫苟使本黨讓出政權而中國民族得以解放國民革命得以成功各級社會得以安寧則又無妨無如燭察四圍盱衡時局本黨實與中國民族同其存亡各級社團同其榮枯者則又惡得而不爭惡得不直任其艱而不辭黨內之叛徒見此乃益運陰謀劫持本黨之弱者竊據中央誘致本黨之悍者割裂戰綫由是而本黨之形勢益急本黨之危機益迫本黨之忠實黨員亦憤激圖存而護黨救國之運動起矣

本黨在此肅清黨內叛徒運動中同時不忘打倒帝國主義打倒軍閥之使命故北伐之猛進繼續不已吾武裝同志之一槍一彈皆爲摧毀敵人壁壘之利器斷不應爲爭攘權位而犧牲總理所付託爲何事人民所屬望爲何事凡此皆爲武裝同志所深明無煩喋喋告戒者雖然敵人不足懼黨內叛徒之曲說陰謀每易浸潤膺受入於歧途以是之故中央政治會議爲統一武裝同志之政治訓練計爲昭示三民主義之信條計決議請吳稚暉同志爲總政治部主任以吳同志之學識人格與蔣同志同在軍中國民革命軍之銅牆鐵壁乃不可撼庶收北伐之全功而達到國民革命之使命

政府受本黨厚托武裝同志艱難痛苦日夕在懷尤其值此內憂外患之時益深同生共死之感凡武裝同志所希望於政府者政府無不竭其所以資供億苟不然者願立總理之前領誤黨誤國之罪甚願吾武裝同志亦各以至誠爲黨國努力受吳蔣兩同志之指導竟國民革命之全功焉

法 規

●國民革命軍總司令部組織大綱（中華民國十六年五月二日政治會議第八十六次會議通過）

- 第一條 國民政府爲戰時指揮統一起見依據軍事委員會條例第九條之規定特任國民革命軍總司令一人凡編入作戰軍戰鬥序列之陸海空軍均歸其統轄指揮
- 第二條 國民革命軍總司令直隸於國民政府對於直轄戰鬥序列內軍隊之統御經理教育衛生等事應負完全責任
- 第三條 總司令部設參謀總長參謀次長各一人參謀總長由中央執行委員會於軍事委員中遴選交由國民政府特任之參謀次長由總司令推荐呈請國民政府任命之
- 第四條 總司令部之組織如另表但應作戰上之要求得咨請軍事委員會由各廳處分撥抽調
- 第五條 戰時政務委員會由國民政府特派民政財政交通外交等部負責人員組成之受總司令之指揮處理作戰區域內之政務並任作戰上各種要素之籌備調節分配其組織另定之
- 第六條 國民政府對於作戰區域或佔領地政務之管理依作戰之進展隨時規定之
- 第七條 未加入作戰軍戰鬥序列之各軍仍由軍事委員會直轄但應作戰上之要求總司令得咨請軍事委員會調遣之

第八條 關於作戰上之補充接濟應隨時通報軍事委員會供給之

第九條 總司令部得設顧問總參議諮議若干人以備諮詢


第十條 總司令對於各級官佐之更動得依照戰時任免官佐條例辦理

第十一條 總司令部於作戰目的完成全軍復員時由國民政府命令裁撤之

第十二條 總司令部之編制另定之

第十三條 本組織大綱自公佈日施行

國民革命軍總司令部系統表



●中國國民黨黨員撫卹條例

第一條 凡本黨黨員努力於本黨工作及爲本黨主義奮鬥或被害殘廢或積勞病故而身家貧苦者得依本條例分別撫卹之

第二條 撫卹分下列三種

- (一) 被害撫卹
- (二) 病故撫卹
- (三) 殘廢撫卹

第三條 被害撫卹可分下列各項

- (一) 本黨各級黨部之職員在本黨主義及黨綱範圍內從事於各種運動而遭殺害者
- (二) 本黨黨員在國內外受本黨各級黨部之命令秘密或公開爲本黨主義之宣傳及黨務活動而被敵人殺害者

第四條 病故撫卹可分下列各項

- (一) 服務於本黨各級黨部三年以上因公積勞病故者
- (二) 黨員受本黨各級黨部之命令在各地從事農工運動及民衆運動已有成效而積勞病故者
- (三) 黨員因努力於黨之工作曾有著作闡明主義對於本黨有特別貢獻積勞而病故者

第五條 在第二條之規定內被敵謀害殘廢者應受殘廢撫卹

第六條 撫卹金分二種

(一)年撫卹金 按死者或殘廢者應得之卹金每年給與其家屬一次

(二)一次撫卹金 按死者或殘廢者應得之卹金給與其家屬一次

第七條 撫卹之等級如下

(一)年撫卹金

一、一等撫卹金六百元

二、二等撫卹金四百元

三、三等撫卹金二百元

四、四等撫卹金一百元

五、五等撫卹金五十元

(二)一次撫卹金

一、一等撫卹金一千元

二、二等撫卹金八百元

三、三等撫卹金伍百元

四、四等撫卹金三百元

五、五等撫卹金二百元

六、六等撫卹金一百元

第八條 凡在第三條第四條第五條規定內因公傷亡或殘廢之黨員得由其家屬或各省黨部（或與省同級之黨部）或中央執行委員會委員將被害之經過及已往工作之成績呈請中央撫卹之

第九條 凡被害或病故黨員之遺族年撫卹金以其父母之終身或子女之成年（二十歲）爲止僅遺妻者以其妻之終身或改嫁爲止

第十條 凡因公殘廢之黨員其撫卹金以其本人之終身及子女之成年（二十歲）爲止如無家屬者得由中央設法處理之

第十一條 凡因公爲敵所羈押者在羈押期內其家屬之撫卹與殘廢撫卹同等但依此例按月發給

第十二條 如被害或病故之黨員而無遺族者得將撫卹金改作喪葬費由中央派員處理之

第十三條 黨員生前有特別功績於黨國者另定榮譽之辦法其撫卹金額及喪葬事宜由中央執行委員會處理之

第十四條 遇難之黨員祇受一種撫卹（如受一次撫卹金者不得再受年撫卹金）若家道過寒者得由中央執行委員會議決通融之

第十五條 凡受年撫卹金之家屬每年具領撫卹金時須將下列各項詳細報告中央

（一）家庭人口數及各人年齡

（二）子女若干是否求學學校名稱年級及畢業日期

(三)有無親族及與同族間之關係

(四)家庭經濟狀況——不動產若干能生產者若干人

(五)以往一年來之家庭經濟狀況

六本年內家庭生活費預算表

第十六條 年撫卹金之數得依受撫卹在家庭狀況之變更由中央執行委員會議決增減之

第十七條 黨員生前雖曾有功績於黨(如第三條第四條第五條之規定)但後曾有叛黨行為已被本黨開除或自行退出黨籍者不得受本黨之撫卹

第十八條 本條例由中央執行委員會議決公佈之日起發生效力

●上海特別市暫行條例

(中華民國十六年五月七日中央政治會議第八十九次會議議決通過公布)

第一章 總則

第一條 本市爲中華民國特別行政區域定名爲上海特別市

第二條 上海特別市直隸中央政府不入省縣行政範圍

第三條 本暫行條例適用於上海特別市全部

第二章 市區域

第四條 本市區域以上海寶山兩縣所屬原有之淞滬地區爲特別市行政範圍其區域之分別由市政府呈請中央政府核定之

第五條 本市因租界收回而更定範圍時勢需要而擴大區域得由市長呈請中央政府核定之

第六條 已劃入本市之地域不得脫離本市以建立第二獨立市

第三章 市行政範圍

第七條 關於左列各事市政府有議決執行之權

一市財政事項

二市公安消防及其他防災事項

三市土地分配使用之取締事項

四市港務及船政管理事項

五市公產之管理及處分事項

六市內公私建築事項

七市戶口之調查及統計事項

八市民生計民食統計及農工商之提倡改良保護事項

九市公益慈善事項

十市交通電汽電話自來水煤汽及其他公用事業之經營及取締事項

十一市街道溝渠堤岸橋梁建築及其他關於土木工程事項

十二市公共衛生及公共娛樂事項

十三中央政府委辦及特許處理事項

十四其他法令所賦與事項

第八條 市行政事項如與省行政有關聯或抵觸而不能自行解決時當呈請中央政府裁定之

第四章 市行政組織及職權

第九條 本市設市長一人由中央政府任命之任期三年

第十條 市長之職權如左

一 綜理全市行政事務並為市政聯席會議主席

二 對外代表市政府

三 執行中央政府命令

四 召集市政聯席會議

五 審查參事會之建議

第十一條 市行政事務得設下列各局專管之但遇事務必要時市長得呈准政府設立特別機關辦理之

一 財政局

二 工務局

三 公安局

四 衛生局

五公用局

六教育局

七土地局

八港務局

九工商局

十公益局

第十二條 每局設局長一人由市長呈請中央政府任命之

第十三條 各局長之職權如左

一 掌理本局內一切事務

二 承市長命令執行市政聯席會議議決事項

三 建議本市興革事項於市政聯席會議

第十四條 市長爲統籌市政事務得召集各局局長組織市政聯席會議

第十五條 市政聯席會議之議案範圍

一 關於第七條各項行政事宜

二 關於市行政各機關編制事宜

三 關於市行政之經費及預算決算事項

四關於市行政之興革事項

第十六條 市政聯席會議辦事細則由該會另定之

第十七條 財政局掌理左列事項

一徵收市捐稅

二管理市公產

三經理市公債

四收支市公款

五編造預算

六其他關於市財政事項

第十八條 工務局掌理左列事項

一規畫新街道

二建設及修理道路橋梁溝渠

三取締房屋建築

四經理公園并各種公共建築

五其他關於土木工程事項

第十九條 公安局掌理左列事項

一執行市警察行政

二編練市消防隊

三調查戶口

四取締不規則營業並維持市民風紀

五維護市內交通

六其他關於公安事項

第二十條 衛生局掌理左列事務

一清除街道溝渠

二管理公立市場屠場浴場及取締茶樓菜館戲院浴所廁所理髮所妓院牛乳場等

三管理市民生死婚嫁註冊及編造統計

四取締醫生及藥房之營業並監督私立病院

五增加市民衛生智識及搜集衛生統計

六管理市立檢疫所及各種傳染症病院瘋狂院

七取締市民一切飲料食料

八其他關於公共衛生事項

第二十一條 公用局掌理左列事務

- 一 經營監督電力電話電車自來水煤氣及其他公用事業
- 二 關於現有商辦公用事業之收回及管理
- 三 取締汽車馬車貨車人力車腳踏車等
- 四 關於其他屬於公用性質之各種事業

第二十二條 教育局掌理左列事務

- 一 管理市立各學校
- 二 監督市內開設之私立學校
- 三 取締各種戲完及公共娛樂場
- 四 審查各種電影畫片
- 五 保護市內美術歷史自然之紀念及名勝風景
- 六 推廣社會教育
- 七 其他關於教育事項

第二十三條 土地局掌理左列事項

- 一 測量全市土地
- 二 評估民產價格
- 三 土地登記及民產轉移

四 填地升科

五 土地分配及使用之取締事項

六 其他關於土地事項

第二十四條 港務局掌理左列事項

一 測量全市河道

二 開闢及疏濬河道

三 管理船政倉棧碼頭事項

四 其他關於港務事項

第二十五條 工商局掌理左列事務

一 管理公司商號及農工商之團體註冊

二 計畫農工商業改良及取締辦法

三 市內物價勞動狀況及市民生計職業之調查及統計

四 勞工之獎勵保護辦法

五 勞資兩方調解辦法

六 其他關於工商業及農業事項

第二十六條 公益局掌理左列事務

一救濟及預防市民貧困災害事項

二監督私立慈善機關事項

三改良市民生計事項

四管理民食事項

五其他關於公益事項

第二十七條 各局組織及辦事細則由市政聯席會議另定之

第二十八條 市政廳設秘書若干人承市長之命掌理機要事務及整理文書

第二十九條 市政廳設總務科科长一人科員若干人掌理左列事務

一 主管文牘及印信保管檔案事項

二 編輯印刷市政公報並各種市立條例及報告

三 掌理會計庶務及收發事項

五其他事務之不屬各局專管者

第三十條 市政廳辦事細則由市長定之

第五章 參事會

第三十一條 本市設參事九人至十三人由市長於具有下列資格者聘任之任期一年得連任

一具有專門學識者

二具有實際經驗者

三具有社會信用者

第三十二條 參事會之職權如左

一建議本市應行興革事宜

二議決市長諮詢案件

三審查市行政之成績

四有建議時得請派員列席市政聯席會議但無表決權

第三十三條 市參事會主席由該會互選之

第三十四條 市參事會辦事細則由該會定之

第六章 附則

第三十五條 本暫行條例由國民政府公佈之

第三十六條 本暫行條例在中央政府未公佈上海特別市條例以前繼續有效

第三十七條 本暫行條例如有未盡事宜由市長提交市政聯席會議議決修改呈請

中央政府裁定之

來 呈

●國民革命軍蔣總司令呈請優卹何嘉祿

呈爲呈請優卹事案據第廿師師長錢大鈞呈稱查十六師師長何嘉祿從事革命有年嗣因環境關係暫附軍閥徐圖報稱此次歸誠後率部殺敵身先士卒致被彈身亡查何師長年逾半百所率部屬僅五六百人竟能與一團兩營之敵對抗其奮勇精神殊不多見伏乞明令褒獎重加撫卹以勵來者等情據此查該何嘉祿沉勇雄武爲國犧牲應請照章從優給卹以慰忠魂而策來者除批覆外理合具文呈請

鑒核施行謹呈

國民政府

職 蔣中正

中華民國十六年四月十九日

●國民革命軍總司令蔣中正呈請表揚矜卹故軍長畢庶澄

呈爲呈請核辦事案據第六軍部諮議易寶鈞呈請表揚矜卹故軍長畢庶澄一案除原文及事狀業已分呈請免贅錄外查該故軍長畢庶澄究應如何表揚撫卹之處理合具文呈請核議施行謹呈

中華民國國民政府

國民革命軍總司令蔣中正

中華民國十六年五月三日

●國民革命軍總司令部政治部正副主任呈報就職

呈爲呈報遵令就職懇予備案事案奉

中央執行委員會政治會議議決聘任吳穉暉爲國民革命軍總司令部政治部主任又奉

國民革命軍總司令蔣令開委任陳銘樞劉文島爲國民革命軍總司令政治部副主任各等因奉此主任副主

任謹遵於本月廿五日在南京職部就職啓用關防視事除分呈咨令外理合備文呈報

鈞府鑒核備案實爲

公便謹呈

國民政府

國民革命軍總司令部政治部主任吳穉暉

副主任陳銘樞

劉文島

中華民國十六年四月三十日

公 函

●致貴州省政務委員會函

茲經第二次常務委員會議決任命周西成何應欽王天培李燾周恭壽李仲公熊逸濱楊元植彭俊寶覺蒼平剛楊權傑傅啓鈞馬空凡爲貴州省政務委員會委員除另填任命狀呈由委員會簽發外特先通知即希查照此致

貴州省政府委員 周西成 李 燾 李仲公

何應欽 熊 傑 熊逸濱

王天培 周恭壽 楊元植

傅啓鈞 彭 俊 寶覺蒼

平 剛 楊 權 馬空凡

國民政府秘書處

中華民國十六年四月二十九日

●致福建省政務委員會函

茲經中央執行委員第五次會議議決任命楊樹莊方聲濤鄭寶善陳培銳丁超五黃琬宋淵源陳季良譚曙

卿張貞盧興邦殷汝驪爲福建省政府委員并任命方聲濤兼福建省軍事廳廳長鄭寶菁兼福建省民政廳廳長陳培錕兼福建省財政廳廳長黃琬兼福建省教育廳廳長丁紹五兼福建省建設廳廳長除另填任命狀呈請

簽發外特先通知此致

福建省政府委員 楊樹莊 丁紹五 譚曙卿

方聲濤 黃 琬 張 貞

鄭寶菁 宋淵源 盧興邦

陳培錕 陳季良 殷汝驪

國民政府秘書處

中華民國十六年五月一日

●致各軍政長官及各黨部函

逕啓者奉

委員會交下

中央執行委員會政治會議咨爲國民革命軍總司令部組織大綱及組織系統表經討論後決議通過送請公布施行咨一件

奉

批公布等因除分別函布並登公報外相應照錄前項組織大綱并系統表函送
查照煩爲轉飭所屬一體知照此致

國民革命軍總司令

各總司令

各總指揮

各軍長

航空軍司令

要塞司令

各獨立師長

各省政府

各省黨部

國民革命軍總司令部組織大綱並組織系統表各一紙另刊法規欄

國民政府秘書處

中華民國十六年五月六日

●致中央政治會議秘書處函

逕啓者奉

委員會交下

中央執行委員會政治會議議決任命錢永銘爲財政部次長又任命張永霓爲江蘇財政廳廳長請查照咨各一件奉

批照辦各等因遵經分別通知並另發任狀在案相應函達卽希查照轉

陳備查爲荷此致

中央執行委員會政治會議秘書處

國民政府秘書處

中華民國十六年五月九日

●致財政部錢次長函

逕啓者奉

委員會交下

中央執行委員會政治會議咨爲本年五月四日第八十八次會議議決任命錢永銘爲財政部次長相應咨請政府查照咨一件奉批照辦等因奉此查此案前經任命虞君和德並卽通知在案茲奉前因自應遵照辦理除函虞君知照並應另填任狀外相應函達卽希

查照尅日就任爲盼此致

財政部次長錢

中華民國十六年五月九日

國民政府秘書處

●致江蘇省政府函

逕啓者茲奉

委員會刊發

貴省政府暨各廳印共八顆仰即祇領並將啓用日期具報等因奉此相應函送即希
查照領收見復爲荷此致

江蘇省政府

計函送江蘇省政府印一顆

江蘇民政廳印一顆

江蘇軍事廳印一顆

江蘇財政廳印一顆

江蘇建設廳印一顆

江蘇教育廳印一顆

江蘇司法廳印一顆

江蘇農工廳印一顆

國民政府秘書處

中華民國十六年五月十日

●致江蘇財政廳張廳長函

逕啓者奉

委員會交下

中央執行委員會政治會議咨爲第八十八次會議議決派張壽鏞兼上海中央銀行副行長請查照咨一件
奉

批照派等因相應函達卽希

查照此致

江蘇財政廳廳長張

國民政府秘書處

中華民國十六年五月十日

●致中央政治會議秘書處函

逕啓者准

貴處函開江蘇省政務委員張詠霓原名壽鏞請於頒發任狀及命令時一律用壽鏞二字等由准此查此次
奉

委員會任命該員爲江蘇財政廳長暨代理財政次長職務並兼上海中央銀行副行長各職原文所列詠寬二字現均改爲壽鏞業經將各項命令分函知照在案相應函請查照煩爲轉陳

中央執行委員會政治會議察核備案至初公誦此致
中央執行委員會政治會議祕書處

國民政府祕書處

中華民國十六年五月十日

致前兼任江蘇財政廳廳長函

逕啓者奉

委員會交下

中央執行委員會政治會議來咨准陳輝德辭江蘇財政廳廳長兼職一案業經議決照辦在案相應函達即希

查照此致

兼任江蘇省財政廳廳長陳輝德

國民政府祕書處

中華民國十六年五月十日

●致國民革命軍蔣總司令函

逕啓者奉

委員會交下

費總司令呈請任命林實爲福州交涉員劉光謙爲廈門交涉員呈一件奉

批准予任命等因除分函并另發任狀外相應函達卽希

查照爲荷此致

國民革命軍總司令蔣

國民政府祕書處啓

中華民國十六年五月十日

●致上海中央銀行錢副行長函

逕啓者奉

委員會交下

中央執行委員會政治會議咨爲五月四日第八十八次會議議決上海中央銀行副行長錢永銘辭職照准

請查照施行咨一件奉

批照准等因除分函

中央執行委員會政治會議祕書處查照轉呈

中央執行委員會政治會議外相應函達即希
查照爲荷此致

上海中央銀行副行長錢永銘

中華民國十六年五月十日

●致江蘇省黨部函

逕啓者奉

委員會交下

貴黨部電爲啓用新印取銷舊印請核准備案徵電一件奉

批准予備案等因相應函達即希

查照爲荷此致

江蘇省黨部

中華民國十六年五月十日

●致江蘇省政府函

逕啓者奉

國民政府祕書處啓

國民政府祕書處啓

委員會交下江海關監督俞飛鵬呈一件內稱奉令於四月十四日接任江海關監督業經呈報在案查前監督兼二五附稅徵收處總辦朱有濟於我軍克復上海時已先逃匿一切交代手續屢經催詢迄不照辦統計該監督任內經收常稅及二五附稅爲數甚鉅另有稅務司專案撥建監督新署經費數萬元俱未准將收支數目咨知亦未將用存現款移交實屬蓄意圖吞亟應認真追究以清交案而重公帑除設法偵緝外理合備文呈請

鈞座察核准予通令協緝務獲歸案究追並令行該監督原籍寶山縣地方官將其產業查抄備抵實爲公便等情奉

批照准通緝等因除分別函請緝辦外應請

貴省政府希即煩爲通令協緝並即令行該寶山縣查產備抵此致

江蘇省政府

國民政府秘書處

中華民國十六年五月十日

●致各軍政長官函

逕啓者奉

委員會交下

中央執行委員會函爲議決郭沫若趨附共產應開去黨籍緝辦錄案並抄同黨部特別黨部執委會原呈請

照通緝懲辦呈一件奉

批照辦等因除分別函達緝辦外相因抄錄原件函請查照通緝辦理此致

國民革命軍總司令蔣

國民軍總司令馮

海軍總司令楊

各總指揮部

各軍軍部

各獨立師

各要塞司令

各省政府

國民政府秘書處

中華民國十六年五月十日

附原呈

爲請求懲辦叛徒開除黨籍以肅黨綱事竊屬部執行委員郭沫若平日趨附共產其言論舉措時有危害本黨情事詎最近有所作請看今日之蔣中正一編尤屬甘心背叛肆意詆排甚且捏造是非謂蔣同志行將解散二二六七各軍其挑撥離間之手段更爲極端慘酷值茲金陵初定前方將士猶日在槍林彈雨之中肉搏

作戰萬一流言所及搖動軍心黨國前途寧堪設想該郭沫若但快一己之私百凡竟置不恤其辣手很心倒行逆施實屬罪大惡極無可寬假茲經 黨部 第三次執監聯席會議胡委員逸明等提出彈劾經全體可決對於該反動份子郭沫若應予以嚴勵處分除從四月二十一日起停止其執行委員職權外敬懇大部開去黨籍並通電嚴緝歸案懲辦實感公便謹呈

中央黨部

中國國民黨國民革命軍總司令部特別黨部執行委員會

常務委員 張 羣

陳立夫

李仲公

電文

●復蔣總司令巧電

南京蔣總司令勛鑒巧電語重心長操堅詣苦回環維誦欽感無限南京爲我總理指定首都今幸上承遺志下慰羣情百折千回克遂初服非得該總司令竭智盡忠披堅執銳勞師萬里力戰經營胡能臻此然盱衡環境默察情形外則頑強殘敵負固北陲而帝國主義者復陰相勾結不惜多方侮我長彼逆氛內則社鼠城狐馮陵武漢而跨黨變節者猶日肆奸謀竭其倒行逆施以圖搗亂殷憂多難孰有甚於此者深望該總司令一本堅苦不撓之志肩此遺大投艱之任肅清妖孽蕩滌腥穢促三民主義之實現開世界革命之先河瞻念前途實惟國民革命軍是賴尤惟統率國民革命軍之總司令是賴本政府謹代表全國同胞復布悃忱維希亮察國民政府歌印

●復安徽政務委員兼財政科長姚禔昌電

萬急蕪湖姚財政科長禔昌覽口密冬二電悉停用漢票所有中央銀行之鄂湘贛樞大小洋券及湘鄂分行照兌之中央臨時兌換券悉包括在內仰卽知照爲要國民政府灰印

●杭州勞動紀念大會來電

南京中央黨部國民政府蔣總司令吳主任何總指揮白總指揮各軍長各師長各政治部主任各省黨部省政府各縣區黨部各團體各報館鈞鑒五一勞勳紀念節各界市民在湖濱公共運動場舉行大會到會羣衆約卅萬人當場議決五項（請南京國民政府下令討伐武漢共產政府）（驅逐陰謀破壞中國國民黨之鮑羅廷）（恢復汪精衛自由請其立即到南京就職）（請政府通緝叛黨賣國之奸賊徐謙鄧演達及其黨羽）請全國一致肅清共產政府務祈全國同志一致主張使北伐軍早日成功三民主義早日實現）黨國幸甚杭州勞勳紀念大會叩江印

●普德維亞荷屬支部來電

國民政府各委員鑒共產黨弄權亂國同人憤極黨政府遷寧指揮一切掃除敗類統一中原爲期不遠特電馳賀荷屬普德維亞國民黨支部叩徑

●鉢命國民黨分部來電

南京國民政府鑒剷除共產擁護三民誓爲後盾慶祝遷都並請繼續努力北伐鉢命國民黨分部

●駐墨參迫古中國國民黨分部電

南京國民政府暨蔣總司令鑒請痛剿反動派繼續努力北伐貫徹總理主張本分部誓爲後盾駐墨參迫古中國國民黨分部支

●福州各界慶祝大會來電

國民政府鈞鑒北伐勝利黨國重光建都南京恢復黨權尤堪慶幸惟在茲進行順利之中跨黨份子與反革

命派從間竊取政權破壞黨基陰謀鬼計實在堪虞如不立予剷除以絕後患則滋蔓前途殊不易圖事關黨基敢電直陳臨穎迫切不勝待命福州各界慶祝國民政府建都南京恢復國民黨權大會叩

●上海商民慶祝大會來電

南京國民政府鈞鑒本日上海商民在公共體育場舉行慶祝國民政府遷寧並紀念先總理就職大元帥大會參加商業二百十餘團體商民四萬餘人全場一致以最熱烈真正之血忱擁護政府遷都南京擁護實行三民主義之蔣總司令誓死剷除共產黨並請政府廢除不平等條約從速收回關稅主權嚴重交涉撤退各國駐華海陸軍撤除租界周圍障礙物廢除苛稅雜捐禁絕烟賭彩票劃一度量權衡提倡國貨協調勞資糾紛保護商民利益採納商民建議以實現我先總理三民主義之精神謹此電聞上海商民慶祝大會主席王永志石艾坤嚴謬聲虞和德俞國珍葉增銘王孝賞叩微

●浙江省黨部來電

中央執行監察委員會政治會議國民政府諸委員蔣總司令各軍長衛戍司令張主席白總指揮政治部陳主任楊司令民國日報轉各報館李參謀長古朱馮陳各委員譚代軍長並轉各委員陳軍長並轉各委員政治分會省政府諸委員省防軍蔣陳正副指揮各報館浙江省黨部各特派員均鑒本黨自經中央監察委員會舉發共產份子賣國叛黨之逆謀以後各處清黨運動風起雲湧措危爲安此因諸同志之共同努力亦民衆對於三民主義贊助之熱心有以致之也惟武漢非法政府仍爲反動份子所盤踞至今尙假竊名義掀亂聽聞之下應請我中央黨部國民政府及同志將領迅加聲討以清亂源又俄人鮑羅廷指揮中國共產黨黨

員擾亂中國罪惡顯著我全國民衆應一致爲我國民政府之後盾肅清共產份子以外對於俄人鮑維庭決計驅逐以清亂源汪精衛同志離滬之日本主張於四月十五日召集中央執行委員會全體會議在南京集會解決黨務乃抵漢以後言論忽然大異力袒反動份子究竟汪同志是否出之衷懷或已被包圍失其自由應請汪同志明白表示國難方滋未容姑息望海內外同志一致主張共匡危難不勝企幸迫切陳詞伏維明教浙江省黨部支叩

●上海各團體五月革命運動紀念會電

國民政府鈞鑒本日下午上海各團體在公共體育場及青雲路開五一勞動紀念大會到會人數約三十萬人當場議決一致擁護南京國民政府誓爲中央執行委員會後盾永矢不渝特電奉聞上海各團體五月革命運動紀念會叩

●第二十軍軍長楊森來電

南京中央黨部國民政府蔣總司令何總指揮吳總主任陳劉副主任馮總指揮李總指揮李總參謀長白總指揮各軍長各政治部主任各級黨部各報館均鑒兩月以來武漢共產份子鄧演達徐謙等甘爲俄人鮑維廷之走狗乘中東兩路武裝同志正當惡戰苦鬥之際把持中央操縱政府強迫民衆誣蔑領袖亂發命令擅殺黨人破壞國民革命的陰謀層出不窮挑撥離間之手段日已百出凡有血氣者莫不疾首痛心一致聲討森居長江上游不忍見總理手創之中國國民黨亡于寄生虫共產黨之手更不忍見垂成之國民革命爲少數叛賊所破壞誓以至誠擁護南京中央黨部及國民政府恢復黨權擁護四月二日中央監察委員會建議

案擁護蔣總司令繼續北伐反對武漢亂命打倒共產黨以求三民主義真正實現完成國民革命謹此宣言
尙望吾黨同志一致奮鬥黨國前途實利賴之國民革命軍廿軍軍長兼川鄂邊防司令楊森全權代表軍政
治部主任段遠謀代印微印

●燕湖總工會來電

南京中央黨部國民政府執監委員會蔣總司令均鑒上海總工會各報館轉各總指揮各軍長各省政務委
員會各黨部各法團各地安徽同鄉會均鑒共黨首惡陳獨秀徐謙等受蘇俄之衆養遵赤黨鮑羅廷之命令
譁爲幻邪違背三民主義欺騙無產階級甚至積極反動勢力阻礙軍事進行不惜以武裝同志血染之山河
爲萬劫不復之共產試驗迹其罪惡不可勝言若不迅于剷除流毒伊于胡底所有該逆等國籍黨籍應請我
國民政府中央黨部明令剷除傳檄世界嚴緝拿辦以謝天下而安衆心吾皖位居中江工友百餘萬衆大都
習動尙義多爲三民主義之信徒深託總理在天之靈得以肅清共產份子尙望我全國同胞應懷危亡之痛
一律聲罪致討黨國幸甚全民血涕陳詞幸垂鑒焉燕湖總工會等二十萬工友同叩支印

●嘉興各界來電

南京中央黨部國民政府蔣總司令各路總指揮各軍長各級黨部各報館農工商學各團體均鑒溯自國民
革命軍出師北伐全賴蔣總司令忠勇之指揮與諸將士之用命及民衆之協助不期年而將湘鄂贛閩浙等
省全部肅清卽蘇皖豫之底定亦指顧間耳正欲移師北向聲討奉魯撲滅軍閥以繼先總理未竟之志奈武
漢叛徒徐謙鄧演達等公然接受逆賊鮑羅廷之指使僞發命令停止供給餉械頓兵不進紊亂軍事指揮之

系統甘爲叛黨賣國之奸賊實屬有意摧殘國民黨破壞國民革命毫無疑義吾蔣總司令爲愛護全國民衆計爲保存總理遺志計不得不取斷然手段即將叛黨份子根本肅清藉以鞏固國民黨之黨權以拯救我農工羣衆本總工會所屬各公會暨縣農民協會所屬各級協會乞我國民政府從速下令討伐武漢共產政府驅逐陰謀破壞中國國民黨之鮑羅廷肅清共產份子通緝叛黨賣國賊徐謙鄧演達等一致主張誓爲後盾臨電不勝迫切待命之至嘉興各團體叩

南京中央黨部國民政府蔣總司令鈞鑒各軍軍長暨國內外各級黨部上海杭州各報館各省農工商學兵各團體均鑒本日嘉興民衆舉行慶祝中央黨部暨國民政府遷寧大會到會人數十萬餘一致高呼擁護中國國民黨南京中央黨部暨國民政府羣情歡躍聲震全城並以勇猛之精神堅決之態度全場一致爲下列之決議(一)竭誠擁護南京中央黨部暨國民政府(二)擁護革命的領袖蔣總司令(三)擁護總理之忠實信徒張主席(四)否認武漢非法聯席會議(五)打倒破壞國民黨及國民革命之共產份子與一切叛黨賣國之黨員(六)請國民政府速下令討伐武漢共產政府(七)請速下令通緝叛黨賣國之奸賊徐謙鄧演達及其黨羽(八)請促汪精衛同志速到南京勿爲反動派利用否則將視爲敵人(九)請喚起全國民衆一致驅逐陰謀破壞中國國民黨之外奸鮑羅廷並澈底肅清共產份子以上九項全嘉興民衆誓以忠誠團結一致願爲後盾黨國不亡繫於此役臨電不勝迫切待命之至嘉興市民慶祝中央黨部暨國民政府遷寧大會叩支

●美國三藩市中華區分部來電

南京國民政府轉蔣總司令鑒請清除反動份子完成三民主義同人一致擁公護黨美州三藩市中華區分部

●新加坡國民黨分部來電

南京國民政府中央執行委員會公鑒蔣總司令基寧黨國北伐將竟全功信託得人僑界擁護新加坡哥踏丁宜分部叩

●馬尼拉國民黨來電

南京國民政府中央黨部汪主席暨全體委員鑒請速開第四次全體委員會議及召集全國代表大會解決糾紛黨國幸甚菲列濱馬尼拉總支部豔

●新加坡新國民日報來電

南京中央執行委員會國民政府鈞鑒清內攘外黨義克昌肅清醜虜統一可期黃花紀念僑界一致與聞新加坡新國民日報

●緬甸中華工黨總部特派員賀俊人來電

中央黨部國民政府鈞鑒跨黨份子搗亂是非盜竊黨政國人深所痛心俊人代表緬甸中華工黨總部萬餘工友竭誠擁護南京國民政府謹聞緬甸中華工黨總部特派專員賀俊人周遊陷印

●福建政務委員詹調元來電

分送國民政府各委員鈞鑒金陵重鎮建都於茲恢復黨權肅清反側保全民族鞏固都基一電傳來八閩共

祝胡展堂先生心忠黨國東山再出共濟時艱聞訊尤深忭慰調元自維鶩鈍徒糜豆芻謬羸政務建樹毫無
應懇遴選賢能速成正式政府以慰閩人喁喁之望謹電馳奠福建政務委員詹調元明鑒

附件

●胡委員漢民閱兵演說詞 四月十八日

今天是我們繼承 總理的遺志恢復 總理手造之國民黨黨權和國民政府定都南京的日子我們在黨的使命上在過去幾個月的軍事戰績上在目前國民革命的工作上乃至在將來國民政府所負一切重大責任上不能不從今天起更加認識恢復黨權和統一指揮的重大意義現在我們苦戰數千里的武裝同志耳裏一方聽到武漢中國共產黨份子打倒蔣介石的口號一方聽到各省同時並起的擁護蔣總司令的呼聲當然可以辨別清楚由武漢來的口號是少數人製造出來的惡聲而各省之擁護蔣介石同志確是革命的民衆的普遍要求要曉得中國共產黨份子之倒蔣與各省革命的民衆之擁護蔣具有同樣的重大意義因爲共產黨所要倒的不是個人是要搗亂我們黨破壞國民革命我們的同志和革命的民衆所要擁護的也不是個人是要擁護我們的黨幫助國民革命成功共產黨人攻擊蔣總司令的口號是打倒獨裁然而在事實上蔣總司令是不是獨裁呢不是的從國民革命軍出師北伐之日起蔣總司令的權是黨所付與的本黨把軍權給了我們一個忠實的能革命的同志他就是黨的指揮監督之下的他唯有奉行黨的命令執行討賊平亂的職權他既然是奉黨的命令來北伐還有獨裁的可能嗎這可見在今日以前蔣介石同志並無獨裁的職權到了現在我們還知道蔣介石同志自己曾提議把軍政和軍令分開這尤其見得介石同志不是一個要獨裁的人大家知道在北伐軍克復贛閩之後餉械的接濟完全受武漢共產黨人的牽制

經我們武裝同志羅雀掘鼠的籌措起來才能出兵才能平定東南他們共產黨人倒用了獨裁式的手段來阻礙北伐的進行他們倒不知從何種機關取得了任意扣餉扣械的權來破壞國民革命軍的北伐大計反而要說我們武裝同志的總司令是獨裁這豈不是千古奇談

從這種事實上面我們可以證明武漢共產份子實不願國民革命成功的他們的策略是要把我們最堅強最革命的中心攻破我們要國民革命成功非有堅強的革命軍不可非有忠勇的總司令不可要使革命軍的能力可以摧銳攻堅非有強大的黨不可他們知道我們的黨是強大的革命軍的能力是堅強的革命軍的總司令是忠勇的所以他們要摧殘我們的黨首先就謀破壞革命軍的榮譽他們要破壞革命軍的榮譽首先就要詆毀革命軍的領袖因此他們便造謠說總司令是獨裁他們這一口號的作用是有兩層的頭一層是想搖動一般革命的民衆對於我們武裝同志的信仰第二層是想拆散我們國民革命軍陣線以內團結的力量使我們軍事上不能統一指揮不能一致作戰我們武裝同志大家都認識軍事上是要號令統一的要指揮集中的要依照總部的作戰計畫分工合作的尤其要在軍制系統之下表現嚴整的紀律出來使全部革命軍的力量充實發展的但是共產黨人的搗亂就是要拿「獨裁」的口號來煽惑我們的軍心使全體武裝同志對於號令統一上發生疑慮對於紀律上生出渙散鬆懈的破綻因之我們國民革命軍的指揮力量也就要發生變化作戰的能力也就要減少那末他們共產黨人就可乘機來說我們國民革命軍不行進而將國民革命打倒另外換出他們所要的一個什麼軍隊旗幟來那才算達了他們的目的所以我們武裝同志要認識他們（打倒獨裁）這個口號之深遠的意義要了解他們並不是攻擊蔣介石同志軍

人而是要想破壞國民革命軍的全部我們武裝同志乃至非武裝同志都要識破他們這一類口號的用意不要中了他們的毒計讓了他們來暗笑我們革命同志的不中用

他們搗亂國民革命的第二個口號就是（打倒新軍閥）我們要曉得軍閥是無所謂新舊的一個軍人上沒有爲國家的利益下沒有聽民衆要求解放的呼聲只是前面靠着官僚政客土豪劣紳以及一切反革命勢力做了虎狼後面勾結着帝國主義做了聲援這就是軍閥他無論在何種時代無論在何種國家都是軍閥那能替他分別什麼新舊我們革命的目的就是要打倒軍閥而不問其新舊中國共產黨提出（打倒新軍閥）這個口號可見他們所要打倒的並不是軍閥而是另有所指的所以我們在他們這一個口號上面可以認識他們已經離開了我們革命者的立場拋開了軍閥不打倒而叫人去打倒他們另有所指的人我們暫且不問其另有所指的人爲誰但就其立場而論他們已成反革命他們這一個口吻正是脫胎於他們素來用以破壞國民黨的所謂（左右派）（新右派）的口號他們要破壞國民黨就把整個的國民黨來煽動分出那一部分人是右派那一部分人是左派過了多少時又分出那一部分人是新左派那一部分人是新右派本來在各國議會當中國會本身就是屬於幾個不同的政黨的議員所構成的其分成左右派是無所謂的但是國民黨却不是一個國會無所謂左右派國民黨是整個的革命黨如果有人要來把他分開成爲什麼左右派那就是破壞我們整個的革命黨就是反革命中國共產黨的策略就是反革命的策略他是想分開了我們整個的黨拿住我們的一部分同志叫他們爲左派來打我們的一部分同志說他們是右派等到他把我們的一部分同志被他打倒了他是更把我們剩下來的同志就是他所謂的左派再分了一部

分出來說他是新右派又非打倒不可他這樣的分之打之結果就是原來整個的國黨給他分之不能再分打之不能再打而担負革命事業的國民黨也就要告終國民革命也就要中斷這種策略不是反革命的是什麼兄弟在俄國的時候接見了世界各國共產黨不少他們所問我的問題我都能答覆到使他們滿意我做的文字在俄國各大城市的報紙發表的都不下十幾萬言但是有一回和日本共產黨領袖之一的片山田談話他問我一個問題我就實在無法可答他說（中國國民黨爲什麼要分左右派你們有兩個人在一起就要分左右分到剩了一個人還要分左右手難道左右手也要碰起來連一個人都要碰完麼）我聽了這句話我真是欲哭無淚了教我如何能够回答他武裝同志我們國民黨的左右是我們自己分的呢還是中國共產黨給我們分的呢我們的黨是革命的我們的黨員是革命的我們的革命軍尤其是革命的我們是整個的革命力量我們之所以不能任人分割猶之乎我們的肚皮內頭不能給人家跨進來跨出去中國共產黨對於我們革命的力量用種種方法來破壞而且破壞的方法多得很其最重要的策略就是把國民黨拆開來跨進去拿了我們一部分人又跨出去彷彿軍隊裏面的一師團給人家另外一支軍隊插了一部分人進來在你這師團裏面來挑撥煽動而他們却另有指揮另有結合另有作用另有羽翼你這一師團還能出外去對敵人作戰麼當然不能的現在中國共產黨用這種方法破壞我們的黨還要破壞我們的革命軍他之分拆我們的黨阻撓我們的北伐煽惑我們的軍心污衊我們革命軍的領袖這都是一條線的破壞國民革命之詭計我們認識了他的詭謀那就什麼（打倒獨裁）（打倒新軍閥）的話其中作用就不能逃我們的燭照我們都已經知道所謂（獨裁）所謂（新軍閥）拿來映射革命的領袖是失了效力了全國的民衆

尤其是革命的民衆現在都認識中國共產黨的背後和武漢反動派的背後現露一個獨裁出來了同時全國民衆也認識革命軍領袖之上是有國民黨的國民黨是不容易被人家跨進跨出的尤其是武裝的革命同志是不許奸人任意來煽惑欺騙任意來污蔑革命軍的領袖的卽如他們說革命軍的領袖是新軍閥武裝同志們你們自己親眼看得見你們的領袖背後有帝國主義做聲援沒有呢沒有你們的領袖前面拿了官僚政客土豪劣紳做虎狼沒有呢也沒有你們的領袖既然前無官僚政客土豪劣紳做虎狼後無帝國主義做聲援那你們的領袖就斷然的是革命的領袖這是不容懷疑的你們的領袖既然沒有做軍閥的條件那就證明了不獨不是軍閥而且確是革命的領袖爲什麼呢因爲我們民衆的利益所以不能實現出來是由於我們民衆的利益被帝國主義的利益被官僚政客土豪劣紳的利益重重的壓了下去你們的領袖不但沒有帝國主義軍閥官僚政客土豪劣紳做羽翼並且正要打倒帝國主義軍閥官僚政客土豪劣紳這一類的惡勢力打倒了這一類的惡勢力民衆的利益始得因去了重重的壓迫而表現出來因此也就知道你們的革命領袖之所以奮鬥是爲民衆的利益而奮鬥如果你們不相信你們的領袖是爲民衆利益而奮鬥的那末你們可以反問自己你們是否爲民衆的利益而奮鬥如果你們自信是爲民衆利益來革命的那你們的領袖縱然想不爲民衆利益而革命也是不可能的

武裝同志們你們要信賴自己是革命的要充實你們的革命性成爲一個堅強偉大而不可抗的力量有了這種不可抗的力量那你們的革命領袖的力量就越發能够擴大國民革命是需要絕大力量的爲國民革命我們要和各省革命的民衆團結做一個精神和力量要和各省革命的民衆團結做一個精神和力量

量就要擁護革命軍的領袖鞏固革命的陣線國民革命軍和革命民衆團結起來

●蔣總司令中正謹告全國國民黨同志書

內容大綱

(一)國民黨內部糾紛之原因(二)共產黨員在國民黨中之過去及破壞本黨與國民革命之事實
甲共產黨反對北伐之經過乙中央遷移之經過丙第三次執委會之經過及開會時之情形丁武漢所謂中央內容之明晰戊(以國制國)之策略(三)本分之不可能(一)何以爲軍(分化及扣餉械等事)
二何以爲黨(江西等處黨部事實)三何以爲國(必至亡國而後已)子農工及社會經濟丑政治寅教育卯外交(四)所闢之謬點(一)國民黨爲民衆而革命民衆決不會拋棄國民黨之謬論(二)(民生主義就是共產黨主義)說之曲解丙共產黨願與國民黨提攜說之謬誤(五)根據三種深信甲三民主義爲惟一救國主義乙中國民族當自決其命運(三)不分則國民黨與中國將歸於盡(六)總理容納共產黨之意思兩種(七)一致擁護南京中央黨部及國民政府並自動清黨(八)最後勸苦武漢中央執委各份子(九)護黨絕非叛黨(十)注重軍政非養成個人獨裁專政共產黨之無產階級專政在中國必爲流氓政客之獨裁專政(十一)願受真正的國民黨中央任何裁判(十二)以陸秀夫期所有忠誠黨員爲護黨救國運動奮鬥

中正自誓師北伐以來卽置生命於度外秉總理遺訓解除全國民衆之痛苦以求完成國民革命之工作賴我同志努力將士奮勇首奠鄂繼克贛聞而浙而皖而蘇以至滬甯克復長江底定國民革命之成功

已經逼近事實無如大敵尙在前線陰謀啓於後方苟我確信三民主義之同志不有真正之覺悟堅固之聯合不特國民革命將功敗垂成且禍害必至亡黨亡國而後已中正目親身經肺肝如鑠謹暴真相以告我忠實之同志

自不明內容者觀察則此次破裂謹係國民黨內部之糾紛簡直言之則苟無共產黨之陰謀操縱本黨有何不可解之糾紛可言國民黨是整個的分離我輩者爲共產黨國民黨却是比較寬大的利用我之寬大以組織小黨團而在我黨內橫衝直撞者亦爲共產黨共產黨自有其組織之系統自有其革命之方式自本黨決定北伐以來共產黨即首先反對不自度量初擬以全力攫取廣東坐視中原水深火熱然後由彼興師彼黨方爲中國唯一之宰制者故我軍待命出發彼等首先運動罷工以阻礙軍事行動以後見大勢所趨無法制止乃改變策略藉國民革命軍之掩護用國民黨之名義以隨地擴張其黨權應用其黨略爲太阿倒持之地步今日我軍以血戰尅復之名城明日即成彼黨以陰謀襲取之營壘鈎心鬥角機牙肆張務使真正國民黨員不能參與黨務不能參與農工運動彼等深知本黨爲全體人民謀解放當然首重大多數之農工以治黨治國當然最重要者爲黨務二者既得何有其他當我軍血戰贛閩之時彼等即盡全力以盤據湘鄂益知武漢將爲臨時都城必造成環境使他日中央機關任其操縱我黨不得不向其乞憐中正坦白爲懷最初即主中央遷往武漢以後因奉魯軍侵入江淮底定東南瞬不容緩軍政時期一切大計賴中央之主持指導者至亟乃由中央執行委員會常務會議及政治會議議決將中央機關暫駐南昌初非有何作用乃武漢方面竟違抗南昌中央執委會及政治會議一切議決抗拒改組政治會議武漢分會轉繼續其法律上已失

根據之聯席會議是破壞中央之議案實始於當時假託中央名義而號召之中央乃美其名曰「革命的需
要」試問「革命的需要」何限於此况後來主張遷鄂者即多當日力持駐贛之人一轉移間令人莫測往來
信使多以南昌不遷則大局立時破裂武漢將另設中央中正以大敵在前當顧全局遂疏通在贛同志請其
即日遷移以完成第三次中央執行委員會全體會議並辭去兩種主席以爲開誠見心中央委員必有公允
辦法不受他黨操縱以保持本黨生命完成國民革命工作孰意中央執委會之前彼等早已佈置就緒開
會之時竟造成武力挾迫暴徒示威之恐怖局面第十一軍軍長陳銘樞轉戰湘鄂抵定武漢勞苦功高竟被
宵夜逼走反散布謠言謂中正令其捕拿中央執行委員不願違心遂行辭職陳君猶在文電可查欺世欺心
胡爲斯極中央常務委員會書記長李仲公則被其藉口扣禁我革命將士被殺戮者有之被禁閉者有之甚
至被迫無路投江自盡者有之武昌軍事政治分校及學兵團學生之不甘盲從而被拘囚者竟至千人之多
暗無天日有過於此者乎中央執委會以後共產黨以自已之幹部操縱本黨之官僚政客利用其升官發
財之心理意志薄弱之病根於是「以國制國」之陰謀竟成爲明白顯著之事實對第二次執委全體會議規
定黨部部长不得任用共產黨員之議案陽奉陰違且於交出共產黨名册及組織兩黨聯席會議之事一字
不提共產黨員隨時吸收增加又復秘密除少數已經公開者外誰能辨之如築垣牆先無礎石則想像中之
森嚴壁壘終屬烏有子虛况中央執行委員會中常務委員及政治委員國民政府部長莫不有公開之共產
黨員或準共產黨員在內我黨真有主張之中堅分子或因職守或因環境關係多不能到等於掛名其所設
軍事委員會之內容亦復如此同志不察或被蒙欺分析內容可爲痛哭中央在贛彼輩乃有應「革命的需

要」而產生之聯席會議否認中央一切議案中央在漢則中央復一變而爲神聖似此狐狸狐猾予取予求名爲提高黨權而黨權墮於零點名爲擁護黨權中正實不知黨權之誰屬中正固反對封建思想然封建思想中尙俠好義猶有可稱若「挾天子以令諸侯」乃操莽故智等封建思想而下之

當大敵在前國內鼎沸此正總理所規定之軍政時期也軍政之成敗不但關係本黨而且關係中國之生存統一指揮在革命軍事上爲必要出師以來小有成功端藉於此每逢調度各方籌劃作戰中正莫不宵夜徬徨勞心積慮至於身先士卒僅其餘事統一指揮之責中正早視爲莫大艱鉅非有任何權利可言誠以我五十萬革命軍人生死所關數千里人民安危所繫不敢不勉效死力乃彼等竟背總理建國大綱之遺訓離間我革命軍人妨礙我軍事行動假軍事委員會之名而行施其分化我黨軍隊之陰謀以我五十萬革命軍人之生命託之於數千里外毫不知兵或甘苦不同者之手於前敵作戰最烈之會竟扣留餉械不發復用種種方法把持就地餉源於中正則造謠誣蔑謂賬目不清不知中正生死且置之度外何有於身外之財產於中正囑撥各軍餉械竟有謂中正吝不肯發乃由彼等另發以市私惠共產黨員以運動工人之法運動軍隊者發現寧止一次與敵人勾結妥協之謠又何止萬千種種陰謀無非欲使我奮鬥之革命軍人解體以聽敵人消滅於日日與敵人肉搏相持艱苦作戰之將士則誣爲不革命的甚至誣爲反革命的於搗亂後方坐擁革命將士鮮血換來之高官厚祿者係真正革命的人心未死公理何存長此顛倒何以爲軍

以黨治國爲本黨堅決主張共產黨認定樞紐所在處處把持黨務藉彼等策畧上之訓練與有革命經驗者之指揮以少勝多無處不握黨中之重心地位於新黨員之有成爲真正三民主義信徒之可能者則加

排斥於有變成共產黨員之可能者則盡量吸收威脅利誘至於欲加入國民黨者非先表示能與共產黨同聲相應不可而國民黨遂成爲共產黨之預備學校甚至多年之純粹黨員欲求一度登記而不可得於不在彼等把握中之黨部若不號召流氓籍農工之名以事搗亂壓迫亦必籍中央或高級黨部之力命令解散江南省黨部搗毀者數次服務之黨員被殺者十數人不過其彰彰大者然在武漢中央視之幾若當然如該處中央勒令解散江西省黨部及廣東市黨部之舉無非欲壓迫我忠實國民黨員毀壞其組織以造成清一色之第三次全國代表大會以強奸黨意至於九江安慶上海等間處題誠屬不幸然不過民衆與民衆黨部與黨部之衝突乃深文周納必欲嫁中正以摧殘黨務壓迫民衆之罪名凡希冀攫取或保全祿位隨聲附和者則爲國民黨之革命份子凡不顧祿位以治黨務者則爲「黨賊」爲「昏庸老朽」擅造種種派別名稱以求其分化共產黨上籍自稱國民黨中央之掩護下有精密陰險之黨團如有國際團體在經濟上之援助與有經驗者備顧問遂無處不佔優勢致我國民黨員有隸黨籍之名無握黨權之實不但內外交迫無立足地且處此狀況之下誰復顧問黨務各處同志莫不義憤填膺涕泣而道黨務如此不亡何待以總理艱難締造藉以貫徹三民主義挽求中國之唯一政黨乃任後之主持者大度包荒明賣暗送爲換取個人虛榮實利之資亡黨縱非其所惜中正實無顏以對總理不朽之遺顏長此遷延何以爲黨

當此最大改革之會我黨同志當力謀減少中國全體人民在此改革程序中所受之痛苦用有條理步驟之方法以增進民衆之生存幸福民衆之最大多數爲農工我黨自當極力協助農友工友之運動與組織乃凡涉農工之事幾爲共產黨所包辦苟共產黨能爲真正農工謀利益夫復何說無如共產黨對於任何土

豪劣紳地痞流氓苟能爲其利用以攫取農工攘奪政權者無不四處位置充分利用當年呵附軍閥慘殺工人者今日何曾不據湘鄂政府之要津利用國民黨打倒土豪劣紳之名其實不過以此派之土豪劣紳打倒彼派之土豪劣紳或竟爲土豪劣紳之所顧忌者於農民運動則除促其抗租於工人運動則除促其增加數倍或數十倍之工資外別無宣傳餘則利用以殺人越貨作政爭工具農工目前之痛苦實不可言苟有人心孰不願其立刻改善無如中國經濟現狀國際商場的環境亦當顧慮斷不能以同歸於盡之手段使農工目前最低限度之生活亦不能維持總理明示我輩以革命手段用以解決政治問題則可用以解決經濟問題則有所不能（民生主義第二講）蘇俄於犧牲千數百萬之生命而後不得已而行新經濟政策中國人口數倍俄國苟任其爲共產黨之試驗品則犧牲數目必數倍之此數千萬人果何爲而死者總理解放農民自有步趨詳於其親自鑒定之第一次全國代表大會宣言重利盤剝爲本黨所禁今規定之農民銀行等計劃尙未實行而武漢第三次中央執委會中竟有「取消全國農民債務」之議案以爲餌以近利必能得全國農民同情不思春耕在卽農民將何法再行借貸名爲愛之實以害之此案雖幸暫擱然彼輩舉動顯違總理主張與彼相共何以謀國他國工人向工會納資係用以改良工人生活或爲罷工時之準備金在中國則工人所加工資強半甚至全部入於工會工會首領以辦工會而致鉅富者在昔日廣東湖北習見不鮮用工人血汗或罷工爭來之所得以爲招練糾察隊之餉項動輒用糾察隊挾以示威形同押解同時生活增高工人所得工資之購買力亦因此減少廠作倒閉店主棄產潛逃之事各處多有雖其中不乏有意操縱之徒自當立法嚴禁然因資本絕乏無力支持者亦居多數工人失業數目日增一日工人痛苦亦日甚一日良好工人至

於敢怒而不敢言不特社會經濟而且國民經濟行將完全破產中正偕我數十萬革命軍人轉戰數千里其目的在爲我最大多數農工謀解放減少我農友工友之痛苦不意師行所至之地處處爲共產黨把持使真正農友工友反益陷於水深火熱環顧四周可爲痛哭至於共產黨利用農工以作政爭之策略尤爲惡毒凡地痞流氓一着糾察隊制服卽有生殺予奪之權爲神聖不可侵犯民衆稍經依法制止卽爲摧殘農工罪在不赦如上海之糾察隊多係招集孫傳芳舉庶澄之散兵與以利器四月十三日圍攻閘北第二十六軍司令部之時當場捕獲九十餘人其中四十餘人皆身帶直魯匪軍遣派之證號苟能破壞我國民革命工作雖勾通萬惡軍閥亦所不惜至於各處利用農工之名以摧殘我真正黨員之事更不勝言江西省政府委員教育廳長程天放被毆垂斃尙在獄中在羣衆則聽人指揮任意暴動實不知死者何故當殺自身因衝突而死亦不知致死何因至於共產分子把持之縣黨部竟有執行槍斃之權更不知自何取得使國民政府任命之官吏亦遂巡惶怖無可如何政治如此有何辦法以言教育則湘鄂除中央軍事政治分校及農民運動講習所等應付時局之機關而外大學僅具虛名中小學幾全部停頓非能造成清一色共產黨員之學校則寧可使其無有不可任其存在致「讀書卽不革命不革命卽反革命」之口號竟由湖北黨部發出「黨化教育」意豈在此以言外交則國民政府外交政策先從集中對付一國着手帝國主義雖皆可恨然單獨對付一國在外交策略上不能不如此進行今各處事件發生牽涉多國務必造成帝國主義者之聯合戰線此中真相深待研究考慮政府自當擁護民衆民衆亦當聽政府之指揮大智不限於反唇大勇不限於攘臂此非與人妥洽甘心被誣爲「帝國主義的走狗」乃謀國者統籌全局所當然何必立陷中國於四面楚歌之地以投人

國外特殊國家及特殊國體之圈套完全聽其指揮而後已破壞統一的外交政策之責誰實負之中正謹鄭重告我黨同志我黨今係掌握政權之政黨既已「以黨治國」相號召本黨必示國人以能治國之能力與辦法今共產黨穴社憑城處處搗亂以最卑劣之陰謀蒙國民黨之名義倒行逆施一切責任彼等可以不負而負之者爲我國民黨長江一帶已有「黨軍可愛黨人可殺」之言一般民衆寧知黨中內幕本黨信用恐因此掃地以盡國人厭恨軍閥久矣中正可斷言其不願再返軍閥治下全國唯一希望已繫於我國民黨而共產黨則處處謀破壞我國民黨之主張與政策使其當舉國唾棄衆叛親離之時彼乃能利用人民「求條出路」之渴望託身爲拯救中國之天使司馬昭之心路人皆見今中國所有生機將被其斬伐殆盡長此披猖何以爲國

中正默察本黨同志心理有一部分因他黨宣傳結果產生以下三種謬誤觀念是不可以不加辨察

(一)有謂國民黨既爲民衆謀利益而革命則革命成功以後民衆決不會拋棄本黨此語似是而非僅得事理之半民衆爲抽象名詞其藉以具體表現者爲組織民衆之拋棄本黨與否在於本黨之是否有民衆組織以領導民衆爲斷不然本黨即欲民衆之不我棄而不可得民衆即欲不棄本黨亦無法得具體之表現三年以來真正國民黨員從事工農運動工作者不爲共產黨擠排以去則利誘威迫使惟彼黨之命是聽對工會農會亦復如是百計欺瞞百計挑撥遮斷國民黨與民衆見面之機會此爲其篡亂陰謀之大者最近廣東上海福建浙江安徽各省發露彼黨之陰謀民衆乃始認識國民黨之真面目而知所依歸長沙武漢則除彼等散播其所強姦之民意外民衆如墮雲霧如入地獄大抵不敢言而敢怒以怨怒共產之故併疑國民

黨爲已共產化使其呼籲無門而言者不悟猶謂民衆如何如何自非日盲何至若是

(二)本黨之中有斷章取義截取總理(民生主義就是共產主義)之字句以爲彼等明顯提倡共產之護符不知總理定名(民生主義)之時即聲明非因襲何人之陳說民生主義在於求全體及個人生存條件之滿足其出發點決非(唯物史觀)(民生主義第一講)階級戰爭與無產專制是共產黨唯一的策略而總理則明言(但在中國實業尙未發達的時候馬克思的階級戰爭無產專制便用不着所以我們師馬克思之意則可師馬克思之法則不可)(民生主義第二講)(照馬克思的黨徒用馬克思的辦法來解決中國的社會問題是不可能的)(同上)所以主張平均地權與節制資本爲「防患預防的方法」以免中國再蹈歐洲經濟發展情形之故轍總理說「民生主義就是共產主義就是社會主義」乃於取喻之時就其最後目的之一部分及其字面泛義而言不然何以又聯及派別繁多之社會主義故總理在同一演講又言「我們所主張的共產是共將來不是共現在」(同上)總理爲根據事實確有辦法之偉大先覺因此說(世界各國因爲情形各不相同資本發達的程度也是各不相同所以解決民生問題的办法各國也是不能相同)(同上)明訓彰彰斷難曲解况三民主義係整個的有機體的當同時實行的亦不能拋棄民族民權而曲解民生

(三)目前我黨同志及一般國民均有一種錯誤心理以爲當此大敵在前苟國民黨願與共產黨妥協共產黨必願與國民黨竭誠提攜不然則共產黨亦是自殺共產黨員甯見不及此共產黨領袖早有此種策略上之論調但共產黨對於一切黨外分子根本否認其所謂奴隸道德之信義黨國生存問題豈個人片紙空言所能保障妥協不在言論而在事實共產黨破壞國民黨與國民革命之事實前已縷晰言之一語破的

共產黨之大敵非軍閥而係國民黨共產黨革命方式極爲明瞭無極大破壞不能發生極大暴動無極大暴動共產黨不能奪取政權軍閥愈橫暴則共產黨愈易成功惟國民黨真能當權則共產黨在中國之前途幾等絕望故在德法國會之中共產黨常與復辟黨相提攜此等策略已國際化自中正誓師北伐打倒萬惡軍閥吳佩孚孫傳芳張宗昌輩以來舉國皆頓悟軍閥爲不難盪平之物共產黨甯不知之於是在此國民革命將告完成之時共產黨更覺大敵在此而不在彼故破壞國民革命工作之進行亦愈形猛烈設國民革命一旦完成則他國在華之共產黨員亦多在土耳其者甯不以昔日之經驗引爲深誠謂其欲與參雜共產黨血統不惜以國民黨蛻化而爲共產黨之中央相提攜則彼輩早已挾其名義以號召至於和純粹的國民黨妥協以完成其國民革命之工作則請懸中正之首於國門耳

中正瀝胆披肝言已至此曲直存亡之關鍵爲有常識者所能洞明中正謹竭至誠舉扼要者數事以與我真正同志互相勉策

(一) 凡我忠實同志務須努力促成國民革命我黨外有帝國主義與軍閥之大敵內有共產黨卑劣之陰謀以離間我同志及革命軍人故國民革命之工作已處於自來未有之困難在此境遇亦最足試驗我同志之忠勇與人格爲求全國民衆解放則不能不與帝國主義及軍閥奮鬥到底爲極力謀減少全國民衆在革命過程中之痛苦而防止中國一切發展入於歧途故不能不與共產黨分裂與奮鬥務須待軍閥完全推翻不平條約次第取消全國民衆不受共產黨恐怖政治之痛苦而能自由發展逐漸滿足其生存條件之時我國民革命方能告一時之段落我數十萬革命將士正冒槍林彈雨與敵人相肉搏設我同志甘受他

分化自相殘害而不努力於功虧一簣之偉大國民革命更有何面目以對國民以對總理與死難諸將士更有何心肝以生存於世間

(二)努力民衆工作爲本黨黨員急切之責任本黨爲民衆而革命民衆之最大多數爲農工設農工痛苦不但不能解除而且增加則國民革命有何意義在今日大勢之下反農工無異促成黨國的自殺在生活壓迫之下農工卽無人指導亦將自動組織如河南之紅槍會其顯著者目前問題卽誰助農工組織爲其謀利益者則農工聽其指揮爲其友誰反農工組織及其利益者則農工與之反抗爲其敵我黨同志往往眼光短淺重視一時政權不知大多數民衆在他入掌握之中政權無非傀儡式之機械共產黨窺破此種弱點故國民黨員之欲得高官厚祿者莫不極力擁護任其取求至於農工則視爲彼輩禁樹絕對不令染指我黨設與民衆分離則不腐化亦歸消滅從事農工運動自當艱苦辛勞然爲黨國大本正我恫瘝在抱有心黨國之同志所當努力以前本黨同志對於此種工作實太忽視待他人布置就緒任意利用農工之事實暴露以後又復太息咨嗟以爲事不可爲往車既覆來軫方遄爲今之計只有我忠實之青年黨員堅抱三民主義向民間去作國事如此決非我輩養尊處優坐而論道之時亦不當待領袖三黨三沐恐而後發乃須孤軍深入自動的去爭工作若不改弦更張則雖有聖智亦無從救黨國之危殆

(三)凡真正堅信三民主義之同志當有鐵的團結肅清黨的內部不因共產黨造謠離間遂致墮其分化策略之中本黨領袖追隨總理與本黨有長期之歷史關係爲各方面所屬望者尤當眷念黨國化除小嫌而團結一致不以包圍而分亦不以被謠而退年來共產黨分化我黨政策無所不用其極造作(左派)(右

派) (西山會議派) (新右派) 等等名詞任意加於本黨同志之上受之者如被符魔立卽癱瘓而退其實所謂各種派別從何衡評今日之爲左派者明日卽可爲右派今日之爲右派者明日卽可爲左派西山會議派尤爲代表任何罪惡之名詞可以加之任何不取悅於共產黨者之身其實主持西山會議者苟願被其利用又何嘗不可據其所謂中央黨部及國民政府最高之位置中正願與本黨同志約以後種種敵人用以分化吾輩之名詞一概屏棄是否真正國民黨員是否總理信徒當以是否遵從三民主義是否對於本黨有真正工作是否依照總理遺囑所舉之三民主義建國大綱建國方略及全國第一次代表大會宣言行事爲定總理當年祇允容納共產黨員單獨的參加國民黨與國民革命工作本無所謂(聯共)今共產黨既違反總理本意極力破壞國民黨與國民革命自與總理本意相背應將跨黨份子一律肅清由純粹的三民主義之信徒本總理遺訓以完成國民革命以建設態度鮮明之政黨以建設總理規畫之民國

事已至此非有最後決心不足以救黨國之危亡中正立此決心乃根據於下三種深信

(一)中正深信三民主義爲惟一的救國主義總理偉大之主義實根據中國本身之情況切合於中國全體民族之利害斷非隨意舶來之學說所可比擬三民主義爲整個的爲有機體的爲同時並進的爲隨時進步的斷不容假借附會者之曲解

(二)中正深信中國民族當有處分中國本身命運之權在系統上不應受任何外團所操縱作其實驗三年以來之經驗終覺國外團體縱有十分扶助中國之誠心則人爲我謀終屬隔靴抓癢且他人果有此誠心何不先扶助中國國民革命先躋中國於自由平等之域而必斤斤於系統上之附屬與包辦况中國國民

革命亦即世界革命之一部分中正本民族自決之義於中國民族解放以後當爲世界上弱小或受壓迫之民族力求解放希望世界革命早日完成中國有爲人願奮鬥之榮譽但對此項奮鬥中國當爲實力的與獨立的參加不當爲（拉夫式的）參加不爲他人所拉之夫亦即不爲他人之（貓爪）

（三）中正深信此時我黨不與共產黨分離則國民革命斷難成功而中國與我民族甚至於滅亡事實具在何勞多舉若任共產黨之篡竊與大破壞則國民黨將與中國同歸於盡國民黨爲有辦法與負責之政黨斷不能任共產黨懸羊頭而市狗肉作不負責任之大破壞

况當年總理之允許共產員加入國民黨參與國民革命工作不外兩種用意（一）爲弭除共產黨危險起見欲藉此用三民主義以融化共產主義與以思想上之感化（二）欲使共產黨中之青年有機會努力國民革命工作此意總理曾爲中正屢次道及常侍總理之同志亦必不乏聞之者今共產黨不特堅持其舶來之主義毫不變更而且以種種陰謀辣手破壞國民革命與總理親手締造之國民黨種種事實顯與總理原意違背此豈總理所及料此共產黨之有負於總理非國民黨之有負於共產黨也

今武漢中央執行委員會不特充滿共產黨血統利用本黨浮蕩少年卑劣政客由其操縱把持且其地黜復處於武力暴徒挾迫之下雖其中不乏忠實同志然亦受其蒙蔽包圍縱有言論絕難自由發表第三次執委會之亂命無一不圖離間分化我革命軍人破壞國民革命工作無一不圖分化我忠實黨員篡竊我一切黨權破壞我一切黨權破壞我一切黨務從根本上將我國民黨推翻中央監察委員會爲本黨最高監督機關各委員中復多才高德望久爲全國思想領導隨總理革命半生與本黨生死相共之先覺至今不忍

坐視黨國淪亡國民革命被人破壞中國民衆痛苦愈將不可收拾爰在上海南京先後開會揭發武漢聯席會議抗命改組以後及第三次執行委員會一切賣黨賣國之非法議決提出彈劾停止其執行中央執行委員會常務會議繼續在南京行使職權中央黨部已經成立與國民政府同時建都南京總理指定之都城此後乃能永奠中樞既定務望忠實一致聽其指導中正統率全軍誓死聽其指揮與制裁爲同志同胞先各地黨員已風起雲湧自動清黨黨之最高權威本在全體黨員實際上真正三民主義信徒何止超過跨黨分子百分之九十五以上不過平日被彼輩蒙蔽或受其挾制或因機關在其掌握真正意思無從表現今黨國危亡在即我同志孰不常有最後之決心豈忍坐視其強奸黨意破壞國民革命斷絕中國民族之生存當斷不斷反受其亂願我同志奮起圖之至於武漢執行委員及國民政府中之忠實黨員或因受一面宣傳者請其屏除成見考察全部事實或有感覺言論行動不自由者請其力謀脫離束縛恢復自由如有感覺騎虎難下者當知此事關係黨國存亡斷非個人面子問題如能擁護純粹之國民黨促成國民革命遵從並貫徹總理遺志者中正毫無個人嫌怨誓斷推誠合作皎皎天日實證此言

恐此書達於我同志之日武漢渾合共產黨由其絕對統治之所謂中央施其故技任意誣中正爲（叛黨）中止被誣久矣身在前敵生死本不足數誣蔑更何足言誣中正爲（叛黨）中正實不知所叛者爲何黨如云叛共產黨則中正始終爲共產黨之敵人如謂叛國民黨則中正祇知真正的與純粹的國民黨與國民政府之中央已定都南京行使職權誓死服從提高黨權及（一切權利屬於黨）中正不但贊成而且根本主張但提高黨權當提高純粹國民黨之權一切權力屬於黨當屬於純粹的國民黨而非屬於已由共產黨

把持篡竊之黨中正堅決奮鬥者正是擁護我國民黨之生命以謀我真正國民黨能有自由發展統治一切之機會此心此志不但爲我忠實同志之所共鑒亦且天日之所鑒臨

近來共產四處散布謠言謂中正思（個人獨裁專政）謂中正希望成（新軍閥）同志不察或爲所惑不知當此軍閥及帝國主義作戰時代實總理所謂（軍政時期）亦即他國之所謂（國家總動員）時期國民革命之成敗繫於軍事之成敗舉國之努力或贊助國民革命者常犧牲一切以圖國民革命的軍事上之成功則不然爲破壞國民革命爲反國民革命目前一切事務當以顧全軍事爲前提不幸中正當軍事之中樞遂被淆亂是非居心離間者妄行誣蔑有意將軍政與中正混爲一談統一軍事指揮爲國民革命軍事成敗上絕對的需要苟非有意破壞國民革命幸我奮鬥的革命軍人被敵人消滅則何至於我軍正與敵人血戰之時分化我軍隊搗亂我軍隊後方扣餉扣械無所不用其極至與軍政與軍令有畫分之必要是乃由經驗而得者克復南昌以後中正早自提倡今則軍政已屬於軍事委員會而總司令獨司軍令不知共產黨復有何說吾知其必另有以爲軍事獨裁解之釋者也總之中正所努力者爲國民革命以打倒軍閥及帝國主義與一切黑暗橫暴勢力爲職志自誓師北伐以來常指揮陷陣身先士卒生死問題且置度外更何有於政權何有於軍閥式地盤之割據中正秉總理遺訓以爲中國之解放乃全體民衆的解放故必謀中國全體民衆單獨的或集合的均能滿足其生存條件而後已（農工商學兵大聯合）即係全國各階級的共同合作若共產黨根本主張無產階級專政就中國現狀觀之實爲流氓政客之獨裁專政我國民黨乃應民衆的要求而革命共產黨乃爲革命而造成流氓的無產階級以聽流氓政客之指揮此種重要區別同志務須明瞭今中央

已在南京定都自由行施職權指導既有所歸務望一致聽其指導並繼續厲行清黨運動促成國民革命永久保持光大純粹的國民黨由純粹的國民黨去提高黨權且享有一切黨力純粹的國民黨中央既繼續信任中正中正自當勉効死力完成國民革命以期軍事早日結束建設得從速着手全國民衆得早離痛苦苟中正舉動有任何失當不法之處亦當束身解甲聽中央任何嚴重之制裁今涕泣於總理偉大遺像之前指此心以爲證

時至今日不論何時國民黨負偉大使命以救中國黨存則國存中正亦存黨亡則國亡中正亦亡昔總理親以本黨之陸秀夫期中中正正譚以黨國之陸秀夫互期我全體忠誠之同志設我同志人人有作陸秀夫之決心則黨必不亡國必不亡且能打倒軍閥打帝國主義完成國民革命在國際上躋中國於自由平等之地位由國民革命可靠的路徑以達到世界革命的成功

明者見先於時昧者過時而悔願我真正國民黨同志純粹三民主義信徒一致有決心努力以作護黨救國運動之奮鬥口號

- (一) 純粹國民黨黨員團結起來
- (二) 國民黨員要到工廠農村裏去做下層工作扶助農工組織各種團體
- (三) 國民黨員切不要想做官發財
- (四) 國民黨員嚴防官僚化黨
- (五) 國民黨員要嚴守黨紀服從黨令

- (六) 國民黨裏沒有左右派只有三民主義的信徒
- (七) 國民黨要嚴防投機分子
- (八) 要國民黨的組織堅強先要分子純粹黨員努力
- (九) 國民黨員是要爲民衆謀解放爲國家求獨立而來入黨的不要存一毫自私自利的心思
- (十) 國民黨員要爲本黨來犧牲其幸福與生命
- (十一) 打倒帝國主義
- (十二) 打倒軍閥
- (十三) 實現三民主義
- (十四) 主義不行黨員之羞
- (十五) 革命不成吾黨之恥
- (十六) 完成國民革命
- (十七) 中國國民黨萬歲
- (十八) 國民政府建都南京萬歲

通告

本報通告一

本報已於五月十一日發行第二期如有關於編輯發行及廣告事項請逕向國民政府秘書處公報室接洽函件亦須寫明國民政府秘書處公報室爲要

本報通告二

本報除贈閱各上級黨部各重要軍政機關外誠恐遺漏請各機關加蓋正式印章逕向本報索閱如有其他團體及個人須閱本報者請逕向各代銷處購取

本報通告三

本報分銷處列之如下 南京商務印書館 南京中華書局 南京世界書局 南京共和書局
京中山書局 上海棋盤街民智書局 廣州雙門底民智書局

本報通告四

本報除在南京委託各分銷處外如有願在各省會各特別市設分銷處者請逕函本報接洽但須先有相當之保證并按月繳納報費

本報通告五

本報每十日發行壹册即逢一出版如有登載廣告須於出版前一日交下否則排版不及祇得俟諸第二期
尙希鑒原